



6 de marzo de 2012. Logo de ter revisado polo miúdo o borrador da nova Lei de Caza sometido a información pública, ADEGA, FRUGA e a ORGACCMM vimos de solicitar da Xunta a

retirada do actual anteproxecto

No documento de [achegas conxuntas](#) (175 Kb) as tres organizacións concluímos que o borrador é unha **norma feita por e para os cazadores**

, que minimiza o papel da administración, xeraliza a discrecionalidade e entrega a xestión da fauna cinexética aos cazadores máis cavernícolas en detrimento doutros sectores e da sociedade en xeral. O borrador do PP, cociñado por dous avogados de Silvanus cun custo de 49.000€ é en esencia similar á lei de 1997, convintemente retocada para "liberalizar" a caza e reducir o papel da administración a mera tramitadora de permisos. Fronte a este despilfarro, ADEGA redactou unha proposta de [nova Lei de Caza](#) (495 Kb) cuxa finalidade é garantir a sustentabilidade, que queremos achegar aos grupos políticos con custo 0 para a facenda pública.

Consideracións xerais ao actual borrador da Lei de Caza:



A exposición de motivos da lei non logra xustificar a necesidade de promulgar unha nova norma e derrogar a actual lei de 1997, existindo unha clara contradición entre os motivos presentados como necesarios para crear unha nova lei e o seu articulado. De feito, a maioría dos artigos do novo anteproxecto son similares á actual lei de caza e as modificacións introducidas perseguen a consecución dun novo modelo cinxético, a limitación da responsabilidade da Xunta polos danos do porco bravo e a maior facilidade para efectuar o control desta especie recorrendo á excepcionalidade como norma, ademais de introducir rebaixas normativas que permiten entregarlle de feito a xestión da caza a unha parte dos grupos de interese da actividade cinxética (neste caso os cazadores e máis en concreto a Federación Galega de Caza).

A nivel de detalle podemos salientar como aspectos a ter en conta:

- É unha **lei feita por e para os cazadores** en exclusiva, esquecendo a administración que a caza é un recurso máis do medio rural que comparte o mesmo territorio con outras actividades, polo que é preciso compatibilizar o seu desenvolvemento con outros usos que se poidan dar no mesmo tempo e lugar.
- Existe unha **usurpación dos dereitos de propiedade**. A cesión do aproveitamento establécese nun mínimo de dez anos, chegando a falar de prórrogas indefinidas da cesión do aproveitamento cinxético. A persoa propietaria ou titular que non queira ceder o aproveitamento cinxético, ten que soportar o custo de sinalización da súa propiedade. Portanto, existe un claro prexuízo das persoas propietarias en beneficio das persoas cazadoras.
- As **rebaixas e recurtes** introducidos fan referencia ás obrigas dos cazadores, ás obrigas da administración, á redución na seguridade, á participación da sociedade na regulación da actividade cinxética e á rebaixa na idade mínima para poder cazar que se establece en 14 anos.
- Hai unha **redución nas medidas de seguridade** das persoas, tanto as participantes na actividade cinxética como as terceiras (persoas que non participan na actividade cinxética, pero desenvolven outras actividades no medio onde se realiza o aproveitamento cinxético); chegando incluso a permitirse que o xefe territorial poida, con carácter discrecional, deixar sen efecto as limitacións en materia de seguridade vinculada a camiños e vivendas.
- **Elimina a participación e o control da sociedade** na regulación da actividade cinxética. Neste sentido a nova norma elimina do Comité Galego de Caza e dos Comités Provinciais de Caza aos grupos ecoloxistas, representantes das persoas propietarias, universidades e investigadores (presentes na actual lei de caza), non incorpora unha

representación de axentes, gardas e vixiantes de caza e deixan tan só á administración e a cazadores como integrantes destes.

- **Autoriza de forma discrecional competicións de caza fóra do período hábil**, o que na práctica permite que se poida estar cazando todo o ano.

- Permite **dentro de espazos naturais protexidos** a declaración de explotacións cinexéticas comerciais de caza maior en superficies maiores de 500 has.

- Elimina a obriga de que os TECORES tiñan de ter contratado un servizo de vixianza.

- **Introduce a caza en tobo**, unha modalidade de caza moi cuestionada polas súas repercusións tanto ás especies cinexéticas como aos cans de caza.

- **Introdúcense infraccións ficticias** (penalizar á persoa propietaria que espante a caza presente nas súas terras dentro do desenvolvemento dunha cacería) que teñen por obxecto disuadir aos movementos cívicos que se opoñen á actividade cinexética na súa propiedade.

Carencias:

VENATORIA & SUBARU

2012

1, 2 Y 3 DE MARZO

Pabellón 1 - IFEMA
Parque Ferial Juan Carlos I

LA FERIA DE CAZA Y ARMAS MÁS GRANDE DE ESPAÑA



BUSCAMOS LOS MEJORES MOMENTOS DE CAZA, MANDA
TU FOTO O VIDEO A TROFEOS@VENATORIA.ES Y PODRÁS
GANAR GRANDES PREMIOS

[illegible]